


Ženske
GRUPE BiH

ŽENSKA MREŽA BOSNE I HERCEGOVINE (ŽMBiH)

PLATFORMA

SEPTEMBAR 2009.

ŽENSKA MREŽA BOSNE I HERCEGOVINE (ŽMBiH)



Ženske
GRUPE BiH

1. UVOD
2. ŠTA JE ŽENSKA MREŽA BiH (ŽMBiH)
3. VRIJEDNOSTI ŽMBiH
4. KAKO FUNKCIONIŠE ŽENSKA MREŽA BiH
5. KAKO PRISTUPITI MREŽI
6. KAKO POSTATI ČLANICA ŽMBiH
7. ODGOVORNOST ČLANICA ŽMBiH
8. PLATFORMA DJELOVANJA
9. JEZICI ŽMBiH
10. PLAN RAZVOJA ŽMBiH
11. TEHNIČKI DETALJI ŽMBiH

1. UVOD

Ženska mreža Bosne i Hercegovine je prostor gdje se susreću i mješaju brojni jezici, kulture, iskustva, znanja, pripadnosti, sposobnosti i posebnosti ženskog javnog angažmana.

Osvješćivanje žena o njihovoj ulozi u društvu počelo je 1919.godine, kada je osnovano feminističko udruženje pod imenom "Društvo za prosvjećivanje žena i zaštitu njihovih prava". Ženski javni angažman bilježi kulminaciju u borbi za ženska ljudska prava 1942.godine, kada dva miliona žena u BiH osniva Antifašistički front žena koji je omogućio ženama da imaju ista prava u pristupu gotovo svakoj profesiji, platu kao muškarci, godinu dana porodiljskog odustva, legaliziran prekid trudnoće i razvod koji se mogao postići međusobnim sporazumom između supružnika.

Definirajući ova prava, komunizam nije iskorjenio patrijarhalnu kulturu, nego je tokom devedesetih godina još dodatno osnažio razliku između formalne i stvarne jednakosti koja se prepoznaje u povredi osobnog integriteta, socijalne deprivacije (podređenosti) i nemogućnosti pristupa resursima za žene.

Žene Bosne i Hercegovine, djelujući preko granica, širile su i vitalizirale debate protiv andocentrične koncepcije moći, oružanih sukoba i socijalne isključenosti kao najvećih opasnosti ženskoj sigurnosti.

Muško nasilje nad ženama u svim svojim različitim oblicima i višeslojna diskriminacija koju su žene iskusile u okviru gender moćnih struktura u našem društvu, kako u ratu tako i u „mirnim vremenima“ ponovo je pokrenula žene krajem 1992. godine na konkretne akcije protiv nesigurnosti, siromaštva, nezaposlenosti, legislative u odnosu na ženska ljudska prava te marginalizacije prava na izbore i potrebe manjinskih grupa.

Iako se do sada nije nazivala "Ženska mreža Bosne i Hercegovine" već sedamnaest godina raste kao alternativni i identitetski model djelovanja za politike transformišu odnose moće između spolova i rodova, u privatnom i javnom životu.

Mreža okuplja aktivistkinje i feministkinje koje se svakodnevno odupiru kulturnoj i spoznajnoj konfiguraciji razumjevanja pojmova pola/roda, mira, sigurnosti i ljudskih prava ucrtavajući sekularnost u bosanskohercegovački prostor.

2. ŠTA JE ŽENSKA MREŽA BIH

Žensku mrežu Bosne i Hercegovine čine nevladine organizacije, ženske grupe, pojedinke i pojedinci koje/i zastupaju feminističke principe u svom djelovanju.

3. VRIJEDNOSTI MREŽE

Ženska mreža Bosne i Hercegovine prihvata feminističke principe djelovanja:

- Mir
- Solidarnost
- Povjerenje
- Zajedništvo
- Uvažavanje različitosti

4. KAKO FUNKCIONIŠE ŽENSKA MREŽA BIH

Ženska mreža BiH promovira primjenu dobrih feminističkih praksi. Ženska mreža BiH reaguje i djeluje povodom situacija kojima se krše ili ugrožavaju ljudska prava, a posebno ženska ljudska prava. Ženska mreža BiH funkcioniše putem elektronske e-mailing liste kojom članice razmjenjuju informacije o svom radu, izazovima u radu, pozivaju na zajedničke akcije i pružaju sugestije za zajedničke istupe i reagiranja.

Neki od primjera su:

- Izmjene i dopune zakona
- Izvještavati o procesima koji imaju direktan utjecaj na standard života žena
- Tražiti podršku protiv kršenja ženskih ljudskih prava
- Podijeliti sa Mrežom rezultate istraživanja
- Reagirati na zakone u procesu kreiranja a koji mogu ugroziti položaj žena u BiH ili ugroziti postojeća prava žena na bilo koji način
- Organizirati zajedničke kampanje i prosljeđivati informacije putem Mreže oko takvih procesa
- Poslati dobar feministički tekst
- Pozvati na akcije, partnerstva, promocije knjige, predstave i slično.

5. KAKO PRISTUPITI MREŽI

Ovaj dio rada Mreže je regulisan Kodeksom koji je dio Platforme.

6. KAKO POSTATI ČLANICA ŽMBiH

Članice su potpisnice Platforme i Kodeksa Ženske mreže BiH.

7. ODGOVORNOST ČLANICA

Članica se obavezuje da će pravovremeno i redovno dijeliti informacije o svom radu ili prijedlozima intervencije gdje smatraju važnim, da će promovisati Mrežu, da će biti spremne na moderiranje Mreže u smislu logističkih poslova po dogovoru rotacije odgovornosti (isključivo za ženske organizacije BiH). Članica se obavezuje da neće kršiti osnovne vrijednosti Mreže (vidi pod nazivom Vrijednosti mreže), i da će raditi u interesu jačanja ženske mreže BiH i feminističkog pokreta u BiH.

Vidi Kodeks ŽMBiH.

8. PLATFORMA DJELOVANJA ŽMBiH

Glavni cilj osnivanja Ženske mreže Bosne i Hercegovine je pružanje i razmjena informacija ali i, između ostalog, ali ne ograničavajući se na, zajedničko djelovanje u slučajevima kada je to potrebno, i realizacija svih ostalih potrebnih aktivnosti “ženske scene” u BiH, misleći ovdje prvenstveno na:

- ženska ljudska prava
- žene i siromaštvo
- obrazovanje i obuka žena
- žene i zdravlje
- rodno zasnovano nasilje protiv žena
- žene i oružani sukob
- žene, mir, sigurnost
- žene i privreda
- žene na vlasti i u odlučivanju
- žene i mediji
- žensko dijete

- queer aktivizam
- feministički aktivizam
- feminističke teorije

Ženska mreža BiH će nuditi raspoložive informacije o sličnim i relevantnim događanjima u regiji zapadnog Balkana, a po potrebi i u slučaju dostupnosti i iz svijeta.

9. JEZICI ŽMBiH

Jezici kojim se služi Ženska mreža BiH su lokalni jezici (BHS).

Preporučljivo je, u slučaju mogućnosti, sažetke dostaviti i na engleskom jeziku.

U slučaju da je informacija koju je potrebno podijeliti sa članicama mreže izvorno na engleskom jeziku, članice ili moderatorice Mreže obezbijediće sažetak sadržaja informacije i na lokalnom jeziku kako bi informacije bile dostupne svim članicama Mreže.

10. PLAN RAZVOJA ŽMBiH

Ženska mreža BiH moći će se razvijati u smjeru u kom bude najprimjerenije nakon probnog perioda funkcioniranja koji će u ovoj fazi biti prvih godinu dana. Nakon prvih godinu danadjelovanja ŽMBiH, može se organizirati radni susret aktivnih Članica i razmatrati ako postoji potreba za formalnim tijelom pod nazivom Ženska mreža Bosne i Hercegovine. Godina dana je dovoljna da se igradi online platforma koja će ponuditi osnovne informacije o tome šta rade ženske grupe u BiH, koji su sve procesi u toku, te će se time staviti manji teret i pritisak na rad organizacija. Prva godina dana je dovoljna da sve organizacije, bez obzira ne tehnički osposobljenost ili postojeće kapacitete i obim rada, nauče dostavljati informacije o radu i rezultatima svoga rada a kako bi se dosegao ujednačen nivo protoka informacija od svih ženskih grupa podjednako (u odnosu na neke “dnevne” ili sedmične” a neke “nikada”).

11. TEHNIČKI DETALJI ŽMBiH

U prvih 6 mjeseci djelovanja, ŽMBiH kreirala bi mailing listu na kojoj bi se našle sve ženske grupe u BiH, a one koje nemaju e-mail adresu ili pristup internetu bi primile podršku od predstavnica grupa koje će se volonterski obavezati da pruže ovaj oblik podrške takvim grupama (prema informacijama Fondacije CURE, za sada ih ima sedam takvih). Paralelno s održavanjem dinamike i funkcionalnosti mailing grupe ŽMBiH, kreirala bi se i web platforma koja bi olakšala pristup informacijama o tome koje sve grupe čine Žensku mrežu BiH, kao i detalje o njihovom djelovanju, potrebama i slično (ne kasnije od osam mjeseci nakon početka rada ŽMBiH).

Autorice: Taida Horozović, Jadranka Miličević, Natalija Petrić, Nuna Zvizdić, Lana Jajčević uz aktivno učešće osnivačkih grupa - članica Kvinna till Kvinna u BiH.

KODEKS PONAŠANJA

ČLANICA MREZE Zenske Mreze BiH

Kodeks ponašanja predstavlja skup osnovnih načela, principa i vrijednosti koje imaju za cilj da uspostave standarde ponašanja i djelovanja članica Ženske mreže BiH (U daljem tekstu: Mreža). Standardi se odnose, kako na ponašanje i djelovanje između članica tako i na odnose članica prema Mreži i prema trećim osobama prilikom realizacije aktivnosti u okviru Mreže. Potpisivanjem ovog Kodeksa članice se obavezuju na striktno poštivanje svih odredbi.

OSNOVNA NAČELA, PRINCIPI I VRIJEDNOSTI

1. Sve članice Mreže će u svom ponašanju i djelovanju poštivati osnovne principe demokratije i zaštite ljudskih prava.
2. Komunikacija između članica će se zasnivati na uzajamnom razumijevanju, podršci i nenasilju.
3. Odnosi između članica Mreže kao i odnosi prema izabranim tijelima Mreže moraju se zasnivati na odredbama zajednički utvrđene Platforme, Pravila o organizovanju i ovog Kodeksa.
4. U svome radu i djelovanju članice Mreže će poštivati odredbe zakona koji su na snazi u BiH, međunarodne konvencije i standarde.

STANDARDI PONAŠANJA

USMJERENOST NA SPREČAVANJE TRGOVINE LJUDIMA

Članice Mreže će se na području na kome djeluje njihova organizacija zalagati za ostvarivanje ženskih ljudskih prava, ravnopravnosti polova i za ostvarivanje ciljeva postavljenih u aktima svake članice Mreže ponaosob.

.

OSNOVNI PRINCIPI DJELOVANJA

1. Članice će djelovati u skladu sa principom solidarnosti, osnovnim prioritetima, i ciljevima drugih članica sa kojima budu radile.
2. Članice će poštivati znanje i iskustvo drugih članica sa kojima će raditi, i u implementaciji svojih aktivnosti koristiti prvenstveno expertkinje iz okvira Mreže
3. Članice će kad god je to moguće uključivati u svoje aktivnosti kao partnerice druge članice Mreže.
4. Svoje aktivnosti u Mreži članice će koncipirati polazeći od stvarnih potreba utvrđenih državnim Akcionim planom za borbu protiv nasilja u porodici, Gender akcionim planom za određeni vremenski period.
5. U svom djelovanju članice će postivati, promovisati i jačati najviše međunarodne standarde u oblasti ženskih ljudskih prava.
6. Naziv Ženska Mreža BiH članice Mreže će koristiti i na njega se pozivati samo tokom obavljanja aktivnosti u okviru Mreže.

OSNOVNI PRINCIPI NA KOJIMA SE ZASNIVAJU MEĐUSOBNI ODNOSI I ODNOSI SA TREĆIM LICIMA

1. Međusobni odnosi članica Mreže moraju biti zasnovani na principima tolerancije , međusobnog uvažavanja i razumijevanja.
2. Članice Mreže nikada neće zloupotrijebiti bilo kakvu povjerljivu informaciju distribuiranu među članicama Mreže, s ciljem pridobijanja koristi za svoju organizaciju.
3. Članice nikada neće iznositi neutemeljen i neargumentovane izjave niti se kritički odnositi prema drugim članicama bez pravih dokaza, niti svojim izjavama dovesti u zabludu ostale članice Mreže.
4. Članice se trebaju međusobno pomagati i svaka u skladu sa svojim mogućnostima, treba pružiti odgovarajući oblik podrške drugim članicama u cilju njihovog osnaživanja ili poboljšanja aktivnosti u Mreži.
U kontaktima sa trećim licima, u okviru aktivnosti u Mreži, članice će zastupati interese Mreže.
5. Prije bilo kog oblika istupa u javnosti članice će se konsultovati sa koordinatorskom organizacijom koja će, ukoliko se radi o važnim pitanjima, obaviti telefonske ili internetske konsultacije sa ostalim članicama.

ZABRANA DISKRIMINACIJE

Članice će u svim svojim aktivnostima i međusobnim odnosima primjenjivati načelo nediskriminacije. Promovisati će i doslovno primjenjivati pravedan odnos, nepristrasnost i ravnopravnost bez obzira na vjeroispovijest, pol, dob, socijalnu, nacionalnu, religijsku, političku ili bilo koju drugu pripadnost ili opredjeljenje.

TRANSPARENTNOST I ODGOVORNOST

1. Članice će u odnosu sa drugim članicama, institucijama, donatorima i svim ostalim grupama sa kojima budu radile biti transparentne i odgovorne.
2. Članice su obavezne da se u svom djelovanju pridržavaju zakonskih, podzakonskih i svih drugih propisa koje su na snazi u BiH te međunarodnih standarda za NVO-e

SUKOB INTERESA

1. Članice će se sudržati od svih aktivnosti i izbjegavati sve situacije u kojima može doći do sukoba ličnih i profesionalnih interesa
2. Članice se obavezuju da u svom radu neće favorizovati niti jednu organizaciju i da će se strogo pridržavati načela nepristrasnosti.
3. Članice koje budu delegirane da po određenim pitanjima predstavljaju i zastupaju stavove Mreže to će raditi isključivo u interesu Mreže i u skladu sa Platformom i Pravilima Mreže .

AUTONOMIJA I NEZAVISNOST

Članice će u okviru Mreže provoditi aktivnosti i uspostavljati osdnose koji neće ugrožavati njihovu autonomnost, osnovne interese i misiju organizacije, kao ni interese njihovih korisnika.

KOMUNIKACIJA I SARADNJA

1. U svim svojim aktivnostima i odnosima prtnerstva i podrške, članice Mreže će se zalagati za jačanje duha i atmosfere saradnje u najboljem interesu organizacija i korisnika njihovih usluga.
2. Članice će promovisati saradnju i duh timskog rada i dosledno će se pridržavati standarda utvrđenih u ovom Kodeksu kao osnovno mjerilo odnosa kako unutar Mreže tako i u odnosima sa drugim organizacijama i institucijama.
3. U svim aktivnostima i odnosima partnerstva i saradnje članice će promovisati kulturu dijaloga te postivati principe nenasilne komunikacije.
4. Članice trebaju biti spremne na razmjenu znanja, iskustva i informacija u cilju jačanja Mreže i boljeg međusobnog razumijevanja.

PRIMJENA KODEKSA


Za primjenu i praćenja potpisivanja vrijednosti, principa i normi ponašanja ovim Kodeksom zadužene su sve članice Mreže. Svaka predstavnic organizacije koja je članica Mreže, u koliko primjeti povredu odredaba Kodeksa treba u pismenoj formi obavijestiti koordinatorsku organizaciju koja će o tome obavijestiti ostale članice.

Nastalo stanje će se razmotriti na prvom sastanku članica Mreže, a ukoliko povreda zahtjeva hitno rješenje koordinatorska organizacija će predložiti rješenje o cijem prihvatanju će se pismenim putem izjasniti sve članice.

ZAVRŠNE ODREDBE

1. Dokumentaciju vezanu za primjenu ovog Kodeksa će arhivirati koordinatorska organizacija, a pravo na uvid imaju sve članice Mreže.
2. Ukoliko bude postojala potreba, članice Mreže mogu donijeti i odgovarajuće procedure u vezi sa nadgledanjem, poštivanja normi ponašanja u ovom Kodeksu.
3. Kodeks stupa na snagu kada ga potpišu sve članice Mreže, a za članice je obavezujući danom potpisivanja izjave o prihvatanju.

ČLANICE ZENŠKE MREŽE BiH



Ženske
GRUPE BiH

ŽENSKA MREŽA BOSNE I HERCEGOVINE (ŽMBiH)

PRISTUPNICA ZA ORGANIZACIJE

NAZIV ORGANIZACIJE:

ADRESA:

TELEFON:

IME OVLAŠTENE OSOBE:

OVIME POTPISUJEMO DA SMO SUGLASNE SA PLATFORMOM ZMBIH I DA POTPISUJEMO
AKTIVNO UČEŠĆE U ISTOJ.

POTPIS OVLAŠTENE OSOBE U IME ORGANIZACIJE:

PEČAT: